

II.

Eyn kurze betrachtung von dem
Lapide Philosophorum.Von der gebärung der Me-
tallen im Erdrich.

Das I. Capitel.

Alle Metallen nach der meynung vñ sens
tens aller deren/die da recht die Philoso-
phiam studiren vnd betrachten/die wer-
den geboren auß Δ vnd Mercurio: dan wann
die fettigkeit des Erdrichs erwärmet wirt/ vnd
das wasser eyn wenig coagulirte materiam vñ
berköpft/ so wirt entlich durch natürliche krafft
vnd engenschafft der Himlischen Körper/ vnd
durch die hitz der Sonnen/ vnd kräfte des gan-
zen Himmels/nach der sauberkeit vnd vn sauber-
keit der beyden obbemelten ding/nämlich Mer-
curij vnd Δ geboren/Sol, Luna, Venus, Iupi-
ter & Saturnus. Diese correpta werdē durch
die obgemelten kräfte vnd tugenden d' Him-
lischen wasser eyn Mercurius vnd Δ /inn der
Adern des Erdrichs hart gemacht/ vnd zu einer
Metallischen natur gebracht vnd geboren.

Von

II.